


BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVIĆI
OPĆINSKO VIJEĆE

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКО ВИЈЕЋЕ



BOSNIA AND HERZEGOVINA
FEDERATION BOSNIA AND HERZEGOVINA
TUZLA CANTON
MUNICIPALITY BANOVIĆI
MUNICIPAL COUNCIL

Tel. 035 743 458; Fax 035 743 456;
Adresa: Ulica Alije Dostovića br. 1, 75 290 Banovići

Broj: 12-04-261/21

Datum: 30.04.2021. godine

Na osnovu člana 2.12.stav (5) Izbornog zakona Bosne i Hercegovine ("Službeni glasnik BiH" broj 23/01, 7/02, 9/02, 20/02, 25/02, 14/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), člana 7. Uputstva o utvrđivanju kvalifikacija, broja i imenovanja članova izborne komisije izborne jedinice u BiH ("Službeni glasnik BiH" broj 57/17, 60/17 i 10/18), člana 26 Statuta općine Banovići ("Službeni glasnik općine Banovići broj 2/20), člana 1. Odluke o raspisivanju javnog oglasa za imenovanje člana Općinske izborne komisije općine Banovići broj: 12-04-260/21 donešenoj na 6 (šestoj) redovnoj sjednici Općinskog vijeća održanoj dana 30.04.2021.godine predsjedavajući Općinskog vijeća raspisuje:

JAVNI OGLAS

Za imenovanje člana Općinske izborne komisije Banovići

Raspisuje se javni oglas za imenovanje člana Općinske izborne komisije Banovići kojeg imenuje Općinsko vijeće Banovići uz saglasnost Centralne izborne komisije Bosne i Hercegovine. Imenovanje se vrši na mandatni period od 7 (sedam) godina od davanja saglasnosti CIK BiH. Uslovi koje kandidat za člana Općinske izborne komisije treba ispunjavati su:

Uslovi iz člana 2.2. Izbornog zakona Bosne i Hercegovine:

- Član Općinske izborne komisije je osoba sa pravom glasa;
- Član Općinske izborne komisije je lice sa odgovarajućom stručnošću i iskustvom na provođenju izbora.

Pored uslova iz člana 2.2. Izbornog zakona BiH, kandidati za člana Općinske izborne komisije mora ispunjavati kriterije iz Uputstva o utvrđivanju kvalifikacija za članove izbornih komisija i to:

- Da ima prebivalište na području općine Banovići,
- Da ima završen fakultet, odnosno VII/1 stepen stručne spreme ili završen fakultet Bolonjskog Sistema studiranja s najmanje 180 ECTS ili završenu višu školu odnosno VI/1 stepen stručne spreme.

Izuzetno član Općinske izborne komisije može biti i lice koje ima VII/1 stepen stručne spreme, završen pravni fakultet, odnosno završen pravni fakultet Bolonjskog Sistema studiranja i najmanje 180 ECTS bez izbornog iskustva-da posjeduje iskustvo u provođenju izbora.

Pod iskustvom u provođenju izbora, u smislu člana 2. stav 2. gore citiranog uputstva podrazumijeva se:

- a) Članstvo u izbornoj komisiji,
- b) Članstvo u biračkom odboru na izborima obuhvaćenim izbornim zakonom BiH.

Kriteriji za imenovanje člana Općinske izborne komisije:

“Član Općinske izborne komisije po članu 2.12.stav 4. Izbornog zakona BiH može biti: predsjednik ili sudija redovnog suda, sekretar općinskog vijeća, lica profesionalno zaposlena u općinskim organima uprave ili druga lica, ako ispunjavaju uslove iz člana 2.2. Izbornog zakona, a nemaju smetnji iz člana 2.3. Izbornog zakona BiH.

U skladu sa članom 2.3. Izbornog zakona BiH, za člana Općinske izborne komisije ne može biti imenovano lice:

1. Koje se ne može kandidovati u smislu odredbi člana 1.6., 1.7., i 1.7.a Izbornog zakona BiH,
2. Koje je član najvišeg izvršno političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora),
3. Koje je nosilac izabranog mandata ili je član izvršnog organa vlasti, osim u slučajevima predviđenim članom 2.12.stav (4) Izbornog zakona BiH,
4. Koje je kandidat za izbore za bilo koji nivo vlasti,
5. Kojem je izrečena kazna za težu povredu izbornog zakona ili propisa za koji je lično odgovorno, u posljednje četiri godine, računajući od dana pravosnažnosti odluke.

Na osnovu člana 2.2.stav(4) Izbornog zakona BiH, u sastavu općinske izborne komisije nastojat će se obezbijediti da broj članova manje zastupljenog pola bude najmanje 1/3 ukupnog broja članova.

Sastav izborne komisije po članu 2.14. Izbornog zakona BiH je multietičan, tako da odražava zastupljenost konstitutivnih naroda, uključujući i ostale, vodeći računa o posljednjem popisu stanovništva provedenom na državnom nivou. Sastav izborne komisije će u pravilu odražavati ravnopravnu zastupljenost spolova.

Uz prijavu (obrazac prijave) na ovaj javni oglas potrebno je dostaviti sljedeću dokumentaciju:

1. Kraću biografiju sa ličnim podacima kandidata (prezime, očevo ime, ime, JMBG, tačna adresa, kontakt telefon kao i podatke o kretanju u službi),
2. Diplomu o završenom stepenu i vrsti stručne spreme,
3. Dokaz o izbornom iskustvu za kandidata (potvrda Općinske izborne komisije o radu na biračkom mjestu, rješenje o imenovanju u općinsku izbornu komisiju ili birački odbor ili neki drugi dokaz koji može potvrditi da kandidat ima iskustvo),
4. Svojeručno potpisana i od nadležnog organa ovjerena izjava o nacionalnoj pripadnosti,
5. Svojeručno potpisana i od nadležnog organa ovjerena izjava o nepostojanju smetnji iz člana 2.3. Izbornog zakona BiH (da nije član najvišeg izvršno političkog tijela političke stranke ili koalicije, da nije kandidat za izbore za bilo koji nivo vlasti, da nije izrečena kazna za težu povredu izbornog zakona ili propisa za koji je lično odgovorno u posljednje četiri godine računajući od dana pravosnažnosti odluke),
6. Obrazac PBA 3 o prebivalištu.

Tražena dokumentacija se dostavlja u originalu ili ovjerene kopije.

Obrazac prijave se može preuzeti na šalter sali općine Banovići i sastavni je dio ovog javnog oglasa.

Ovaj oglas ostaje otvoren 8 (osam) dana od dana objavljivanja, i objavit će se u jednom dnevnom glasilu koje se distribuira na području cijele BiH, WEB stranici općine Banovići, oglasnoj tabli općine Banovići i radio stanici Banovići.

Po zatvaranju javnog oglasa, Komisija za provođenje procedure izvršit će klasifikaciju-rangiranje kandidata u skladu sa Uputstvom o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini.

Sa kandidatima koji ispunjavaju uslove Javnog oglasa, Komisija će obaviti intervju, nakon čega će sačiniti rang listu sa redoslijedom kandidata prema uspjehu postignutom na intervjuu.

Općinsko Vijeće Banovići će cijeneći položaj kandidata na rang listi izvršiti imenovanje i svoju Odluku putem Stručne službe Općinskog vijeća dostaviti Centralnoj izbornoj komisiji BiH na saglasnost.

Nepotpune i neblagovremene prijave neće biti uzete u razmatranje.

Prijave za ovaj javni oglas dostaviti u zatvorenoj koverti sa naznakom:

"PRIJAVA NA JAVNI OGLAS ZA IMENOVANJE ČLANA OPĆINSKE IZBORNE KOMISIJE-NE OTVARAJ" na sljedeću adresu:

OPĆINSKO VIJEĆE BANOVIĆI,

ulica Alije Dostovića broj 1

75000Banovići

Ovaj se oglas može poništiti u svako vrijeme bez posebnog obrazloženja od strane organa koji ga je raspisao.


PREDSJEDAVAJUĆI OPĆINSKOG VIJEĆA
Robert Lapčević

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVICI
OPĆINSKO VIJEĆE

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКО ВИЈЕЋЕ



BOSNIA AND HERZEGOVINA
FEDERATION BOSNIA AND HERZEGOVINA
TUZLA CANTON
MUNICIPALITY BANOVICI
MUNICIPAL COUNCIL

Tel. 035 743 458; Fax 035 743 456;
Adresa: Ulica Alije Dostovića br. 1, 75 290 Banovići

Broj:

Datum, 05.05.2021. godine

OBRAZAC PRIJAVE

Na javni oglas za imenovanje člana Općinske izborne komisije

Prezime i ime	
Datum i mjesto rođenja	
Adresa	
Kontakt telefon	
e-mail	

Uz obrazac prijave prilažem sljedeću traženu dokumentaciju:

1. Kraća biografija, sa ličnim podacima kandidata,
2. Diplomu o završenom stepenu i vrsti stručne spreme,
3. Dokaz o izbornom iskustvu kandidata,
4. Svojeručno potpisana i ovjerena izjava o nacionalnoj pripadnosti,
5. Svojeručno potpisana i ovjerena izjava o nepostojanju smetnji iz člana 2.3.Izbornog zakona BiH,
6. Obrazac PBA 3 o prebivalištu.

U Banovićima, dana _____ 2021.godine

(Potpis kandidata)